

**BOSNA I HERCEGOVINA
VIJEĆE MINISTARA
DIREKCIJA ZA EKONOMSKO PLANIRANJE**



**БОСНА И ХЕРЦЕГОВИНА
САВЈЕТ МИНИСТАРА
ДИРЕКЦИЈА ЗА ЕКОНОМСКО ПЛАНИРАЊЕ**

**BOSNIA AND HERZEGOVINA
COUNCIL OF MINISTERS
DIRECTORATE FOR ECONOMIC PLANNING**

**INFORMACIJA
o kretanju makroekonomskih pokazatelja
za januar/siječanj - februar/veljača 2013. godine**

Sarajevo, april/travanj 2013. godine

Sadržaj:

Uvod.....	3
1. Realni sektor.....	4
1.1. <i>Industrijska proizvodnja</i>	4
1.2. <i>Tržište rada BiH</i>	4
2. Javne finansije.....	5
2.1. <i>Indirektni porezi u BiH</i>	5
2.2. <i>Prihodi od direktnih poreza i doprinosa u BiH</i>	6
2.3. <i>Raspoređeni prihodi sa JR UIO BiH</i>	7
3. Cijene, monetarni i finansijski sektor.....	7
3.1. <i>Cijene – Indeks potražaćkih cijena (CPI)</i>	7
3.2. <i>Monetarni agregati</i>	8
3.3. <i>Prosječna obavezna rezerva</i>	8
3.4. <i>Devizne rezerve Centralne banke BiH</i>	9
3.5. <i>Depoziti</i>	9
3.6. <i>Kredit</i>	10
3.7. <i>Berze</i>	11
4. Vanjski sektor.....	12
5. Strane direktne investicije.....	13

Uvod

Vijeće ministara Bosne i Hercegovine je na 79. sjednici održanoj 05.03.2009. godine razmotrilo i usvojilo Prijedlog mjera iz nadležnosti Vijeća ministara BiH za ublažavanje uticaja globalne ekonomske krize na privredu BiH. Direkcija za ekonomsko planiranje je zadužena da u vezi sa navedenim prati kretanje makroekonomskih pokazatelja i da izvještaj o kretanju mjesečno dostavlja Vijeću ministara.

Direkcija je zadužena da „Informaciju“ dostavlja mjesečno Parlamentarnoj skupštini Bosne i Hercegovine u svrhu praćenja uticaja svjetske ekonomske krize na ekonomiju BiH.

„Informacija“ obuhvata kretanje glavnih makroekonomskih pokazatelja u BiH za navedeni period. Detaljna pojašnjenja svih oblasti koje su obuhvaćene u ovom dokumentu se mogu naći u Ekonomskim trendovima BiH koje publikuje Direkcija, kvartalno – četiri puta godišnje, te redovno dostavlja Vijeću ministara i Parlamentu BiH.

* * *

Dostupni kratkoročni indikatori za 2012. godinu koji ukazuju na blag realni pad BiH ekonomije od približno 0,2% . Negativan ekonomski rast se manifestovao kroz realni pad domaće tražnje i izvoza i to uprkos realnom smanjenju vanjskotrgovinskog deficita od 4,5% . Do pada domaće tražnje je došlo i u domenu privatne potrošnje i investicija uglavnom kao posljedica tri godine negativnih trendova proizvodnje, zaposlenosti i realnih plata, realnog smanjenja novčanih priliva građana iz inostranstva i sl. Pored toga, javna potrošnja i investicije po svemu sudeći bilježe izuzetno skroman realni rast obzirom na složenu fiskalnu poziciju u 2012. Smanjenje domaće tražnje je rezultiralo realnim padom robnog uvoza od 4,4%, dok je BiH izvoz u najvećoj mjeri bio ugrožen problemima u proizvodnji električne energije, te slabom izvoznom tražnjom. Naime, česti remont i u elektranama i nepovoljna hidrološka situacija u 2012. su doveli do pada vrijednosti izvoza energetskih dobara od 38%, što je bio jedan od glavnih uzroka realnog pada BiH robnog izvoza od 5%. Konačno, industrijska proizvodnja koja ima centralnu ulogu u ukupnim ekonomskim kretanjima takođe bilježi značajan pad od 4,3% u 2012. godini.


Ekonomska kretanja u prva dva mjeseca 2013 godine su bila znatno pozitivnija u odnosu na prethodnu godinu. Tu se prije svega ističu prilično snažan rast vanjske trgovine i industrijske proizvodnje, praćeni rastom građevinskih radova. Naime, čini se da se proizvodnja električne energije ponovo normalizuje u 2013. čiji je rast od 7,6% (g/g) bio važan faktor ukupnog rasta industrijske proizvodnje od 6,3% (g/g) u prva dva mjeseca. Rast proizvodnje električne energije je ujedno i učestvovalo u vrijednosti izvoza ove kategorije u odnosu na prethodnu godinu što je bilo važan faktor ukupnog dvomjesečnog povećanja vrijednosti robnog izvoza od 15,7% (g/g). S druge strane, rast vrijednosti robnog uvoza od 10,8% bi takođe mogao biti pozitivan pomak obzirom da najvjerovatnije odražava rast domaće tražnje. Konačno, građevinski radovi BiH u prva dva mjeseca bilježe rast uslijed naglog skoka u FBiH od 29% (prije svega u domenu niskogradnje) uz istovremeni pad radova u RS od 6,4%.

1. Realni sektor

1.1. Industrijska proizvodnja u BiH¹

Prema preliminarnim podacima Agencije za statistiku BiH za januar 2013. godine u Bosni i Hercegovini je registriran rast fizičkog obima industrijske proizvodnje od 2% u odnosu na januar prethodne godine.² Glavni razlog blagog poboljšanja industrijske proizvodnje je rast proizvodnje u prerađivačkoj industriji i sektoru za proizvodnju električne energije od 6,9% odnosno 2,9% u odnosu na januar prethodne godine. S druge strane, sektor rudarstva sa januarskim padom proizvodnje od 5,8% imao je negativan doprinos rastu industrijske proizvodnje u BiH. Ako se posmatraju preformance industrijske proizvodnje po entitetima tokom januara 2013. godine evidentno je da se situacija razlikuje. Tako FBiH tokom januara 2013. godine u odnosu na isti mjesec prethodne godine bilježi povećanje industrijske proizvodnje od 3,3%, dok je u RS-u registriran pad proizvodnje od 2,5%.

Tabela 1: Indeksi industrijske proizvodnje u BiH



Izvor: BHAS, FZZS FBiH, RZSR³

1.2. Tržište rada u BiH

Ukupan broj zaposlenih u januaru 2013. godine se uvećao 0,3% g/g i iznosio je 651,3 hiljada lica. Rast ukupnog broja zaposlenih je sporiji zbog nastavka smanjenja broja zaposlenih u oblasti građevinarstva, trgovine na veliko i malo, prerađivačke industrije, rudarstva, poljoprivrede, lova i ribolova te snadbijevanja vodom i djelatnosti sanacije okoline. Broj nezaposlenih lica u BiH u februaru 2013. godine je uvećan za 2% g/g ali se primjećuje da je broj nezaposlenih u odnosu na januar smanjen. Prosječna neto plata zaposlenih u BiH u januaru 2013. godine je skromno uvećana (0,4% g/g) i iznosi 829 KM. U realnom smislu neto plate su i dalje niže zbog porasta cijena u BiH. Izrazito skroman nominalni rast prosječne neto plate posljedica je smanjenja plata u oblastima javne uprave, obrazovanja, administrativnih djelatnosti, stručnih, naučnih i tehničkih djelatnosti. S druge strane u oblasti privatnog sektora smanjenje plata je registrovano u oblastima poslovanja nekretninama, građevinarstvu, trgovini na veliko i malo te prevozu i skladištenju. Primanja

¹ Do pripreme ove Informacije još nisu bili objavljeni podaci za februar.

² BHAS, Saopštenje, „Indeks obima industrijske proizvodnje u Bosni i Hercegovini za januar 2013. godine“, 28.02.2013. godine.

³ U tabeli i grafikonu prikazani su zvanični podaci BHAS-a koje DEP koristi u izradi svojih analiza na temelju potpisanog protokola o međusobnoj razmjeni podataka.

penzionera u februaru 2013. godine nisu se bitnije mijenjala. Prosječna februarska penzija u BiH je iznosila 337⁴ KM što je 0,1% više u odnosu na isti mjesec 2012. godine.

Tabela 2: Osnovni indikatori tržišta rada u BiH

	Broj zaposlenih lica u BiH	Stopa rasta (g/g)
Ø 2012.	651.075 ⁵	-0,5%
I 2013.	651.342	0,3%
	Broj nezaposlenih lica u BiH	Stopa rasta (g/g)
Ø 2012.	543.420	2,6%
I 2013.	554.640	2,5%
II 2013.	554.605	2,0%
	Prosječna neto plata u BiH (KM)	Stopa rasta (g/g)
Ø 2012.	826	1,3%
I 2013.	829	0,4%
	Prosječna penzija u BiH (KM)	Stopa rasta (g/g)
Ø 2012.	336	-0,6%
I 2013.	336	-1,7%
II 2013.	337	0,1%

Izvor: Agencija za statistiku BiH, Entitetski zavodi za zapošljavanje i Zavod za zapošljavanje BD, DEP kalkulacije

2. Javne finansije

2.1. Indirektni porezi u BiH

Za prva dva mjeseca 2013. godine prikupljeno je 670,9 miliona KM prihoda od indirektnih poreza, što je u poređenju sa istim periodom prethodne godine više za skromnih 1,3%. Zanimljivo je da tokom posmatranog perioda prihodi od akciza bilježe smanjenje, a da prihodi od carina i PDV-a u istom periodu bilježe povećanje. Kako su se kretale pojedine kategorije indirektnih poreza kako na godišnjem, tako i na mjesečnom nivou, može se vidjeti u tabeli ispod.

Tabela 3: Kretanje pojedinih kategorija indirektnih poreza u milionima KM

Indirektni porezi	I-II 2012.	I-II 2013.	rast u % (g/g)	rast u % (m/m)
Carine	27,9	28,0	0,4	16,2
Akcize	192,0	189,6	-1,3	-31,6
PDV	399,6	413,9	3,6	-3,0
Putarine	40,6	37,4	-7,9	-15,6
Ostali prihodi	2,2	2,0	-8,4	-1,7
Ukupno	662,3	670,9	1,3	-12,0

Izvor: Uprava za indirektno oporezivanje BiH

⁴ Prosječna penzija u BiH je izračunata je izračunata na osnovu entitetskih nivoa penzija ponderisanih odnosom ukupnog broja penzionera u svakom od BH entiteta.

⁵ Broj zaposlenih lica u BiH u 2012. godini je revidiran i znatno se razlikuje od posljednjeg broja zaposlenih objavljenog u Informaciji za januar. Razlog je što BHAS trenutno vrši uvođenje nove klasifikacije djelatnosti (CEA) pa se shodno tome revidiraju i podaci o broju zaposlenih. Napominjemo da su prezentirani podaci privremenog karaktera.

2.2. Prihodi od direktnih poreza i doprinosa u BiH

Ukupni direktni porezi, prikupljeni u entitetskim poreskim upravama u prva dva mjeseca 2012. godine iznose 859,9 miliona KM, što je za 0,8% više u odnosu na isti period prethodne godine. Na nivou FBiH prikupljeno je 76,4 miliona KM direktnih poreza, dok je taj iznos za RS 64,9 miliona KM. Kretanja prihoda od direktnih poreza, kao i doprinosa i ostalih prihoda mogu se vidjeti u tabeli ispod.

Tabela 4: Prihodi od direktnih poreza, ostalih taksi, kazni i naknada i doprinosa u periodu I-II 2012. i 2013. godine (u milionima KM)

Naziv prihoda	FBiH			RS		
	2011.	2012.	%	2011.	2012.	%
Direktni porezi	74,3	76,4	2,8	60,3	64,9	7,6
Porez na dohodak	43,5	43,7	0,5	37,1	38,7	4,3
Porez na dobit	15,5	17,0	9,7	15,3	17,4	13,7
Porezi građana	15,1	15,5	2,6	2,3	3,8	65,2
Ostali porezi	0,2	0,2	0,0	5,6	5,0	-10,7
Ostale takse, kazne i naknade	62,7	70,7	12,8	39,7	40,7	2,5
Doprinosi	422,7	415,1	-1,8	193,7	192,1	-0,8
PIO	232,7	229,4	-1,4	101,8	103,5	1,7
Zdravstvo	170,8	167,3	-2,0	78,1	74,8	-4,2
Nezaposleni	19,2	18,4	-4,2	5,3	5,3	0,0
Dječija zaštita	0,0	0,0	-	7,9	7,9	0,0
Zapošljavanje invalida	0,0	0,0	-	0,6	0,6	0,0
Ukupno (direktni porezi + ostale takse, kazne i naknade + doprinosi)	559,7	562,2	0,4	293,7	297,7	1,4

Izvor: Poreska uprava RS i Poreska uprava FBiH

U FBiH prihodi od poreza bilježe povećanje (2,8% g/g), dok, sa druge strane prihodi od doprinosa bilježe smanjenje (1,8% g/g). U poreskoj upravi RS slika je ista, prihodi od poreza bilježe povećanje, a od doprinosa smanjenje.

2.3. Raspoređeni prihodi sa JR UIO BiH

Raspoloživi prihodi za raspodjelu za prva dva mjeseca 2013. su iznosili 858,5 miliona KM što je više u odnosu na isti period prethodne godine za 6,4%. Prema nepromijenjenim koeficijentima⁶ UIO BiH je u periodu I-II 2013. godine, nakon izdvajanja sredstava za minimalne rezerve u svrhu obezbjeđenja povrata PDV-a (166,3 miliona KM) i sredstava za putarine za izgradnju autoputeva (14,4 miliona KM), te finansiranje institucija BiH (119,6 miliona KM) izvršila raspored preostalih sredstava korisnicima (572,6 miliona KM), kako slijedi u tabeli ispod:

⁶ Odlukom UO Uprave za indirektno oporezivanje BiH 20.03.2012. godine utvrđeni su privremeni koeficijenti raspodjele sredstava sa jedinstvenog računa: FBiH 63,07%, RS 33,38% i Brčko Distrikt BiH 3,55%, i isti su se primjenjivali i za period januar - decembar 2012. godine, kao i za januar 2013. godine.

Tabela 5: Raspored sredstava sa JR u milionima KM

Korisnik	II 2012.	II 2013.	promjena u %
Minimalne rezerve	139,2	166,3	19,4
Institucije BiH	112,2	119,6	6,7
FBIH	352,8	361,1	2,4
RS	183,2	191,1	4,3
BD	19,7	20,3	3,0
Ukupno	807,2	858,5	6,4

Izvor: Uprava za indirektno oporezivanje BiH

3. Cijene, monetarni i finansijski sektor

3.1. Cijene – Indeks potrošačkih cijena (CPI)

Indeks potrošačkih cijena u BiH u februaru 2013. godine nastavio se uvećavati ali sa nešto sporijim intenzitetom u odnosu na januar. Inflacija u BiH u posmatranom mjesecu je iznosila 1% g/g. Umjernom rastu cijena u BiH najviše je doprinijeo sporiji rast cijena u kategoriji hrane i bezalkoholnih pića koji je iznosio 1,6%. Slično je i u kategoriji stanovanja, vodosnadbijevanja, električne energije i drugih energenta gdje su cijene rasle 1,2% g/g. Porast cijena u kategoriji transporta iznosio je 0,9% g/g. Visok rast cijena u februaru zadržan je u kategoriji alkohola i duvana (6,2% g/g) zbog povećanja akciza na duvanske proizvode u januaru 2012. godine.

Tabela 6: Kretanje cijena u BiH – poređenje g/g

	2012.	2013.	
		I	II
Hrana i bezalkoholna pića	1,8	2,8	1,6
Stanovanje, vodosnadbijevanje, el. energija, plin i drugi energenti	2,9	1,5	1,2
Transport	4,8	1,4	0,9
Alkohol i duvan	9,9	6,4	6,2
Inflacija u BiH	2,1	1,3	1,0

Izvor: BHAS

3.2. Monetarni agregati

Na kraju februara mjeseca 2013. godine, ukupna novčana masa M2 dostiže nivo od oko 14,9 milijardi KM, što je za 3,6% više nego na kraju januara prethodne godine. I tokom ovog mjeseca, kao i prethodnog, rezervni novac M0 nastavlja svoj rast. Kvazi novac (QM) kao vodeća kategorija novčane mase bilježi povećanje od 5,9%, dok transakcijski novac bilježi skroman rast. Posmatrano na mjesečnom nivou, kvazi novac bilježi negativnu, a transakcijski novac pozitivnu, a kao krajnji rezultat je stagnacija novčane mase.

Tabela 7: Monetarni agregati (u milionima KM)

Period	Rezervni novac (M0)	Gotovina izvan banaka	Prenosivi depoziti u domaćoj valuti	Transakcijski novac (M1)	Ostali depoziti u domaćoj valuti	Prenosivi depoziti u stranoj valuti	Ostali depoziti u stranoj valuti	Kvazi novac (QM)	Novac u širem smislu (M2)
Jan-13	5.725,5	2.337,4	3.735,9	6.073,3	2.667,3	1.081,0	5.038,3	8.786,7	14.859,9
Feb-13	5.750,4	2.358,2	3.722,2	6.080,4	2.681,3	1.071,0	5.029,9	8.782,2	14.862,6
stope rasta g/g u %									
Jan-13	1,4	1,7	-1,8	-0,5	14,6	0,0	5,0	7,0	3,8
Feb-13	3,9	1,5	0,0	0,5	12,9	-4,3	4,8	5,9	3,6
stope rasta m/m u %									
Jan-13	-1,3	-3,2	0,2	-1,1	-0,2	2,7	-0,1	0,2	-0,3
Feb-13	0,4	0,9	-0,4	0,1	0,5	-0,9	-0,2	-0,1	0,0

Izvor: CBBiH

3.3. Prosječna obavezna rezerva

U poređenju sa prethodnim mjesecom, na kraju februara 2013. godine osnovica za obračun OR se smanjila za 1,3% (m/m) čime dostiže nivo od oko 14,9 milijardi KM. Međutim, posmatrano na godišnjem nivou osnovica bilježi povećanje. Ista situacija se dešava i sa ostalim kategorijama (ukupna sredstva za održavanje OR, prosječna OR i višak sredstava) na mjesečnom nivou bilježe smanjenje, a na godišnjem povećanje. Stopa OR se nije mijenjala, a implicitna stopa na kraju februara je iznosila 20%. Podatkom o prosječnoj visini naknade na držanje OR kod CB BiH ne raspolažemo.

Tabela 8: Prosječna obavezna rezerva (u milionima KM)

Period	Osnovica za obračun obavezne rezerve	Prosječne obavezne rezerve	Prosječan saldo računa obaveznih rezervi kod CBBiH	Ukupna sredstva za održavanje obavezne rezerve	Razlika (Višak sredstava)	Implicitna stopa obavezne rezerve	Stopa obavezne rezerve	Prosječna visina naknade na obavezne rezerve kod CBBiH
Jan-13	15.097,6	1.288,7	3.027,5	3.027,5	1.738,8	20,1%	8,5%	-
Feb-13	14.908,2	1.267,5	2.985,3	2.985,3	1.717,7	20,0%	8,5%	-
stope rasta g/g u %								
Jan-13	-0,2	-19,5	-5,7	-5,7	7,9			
Feb-13	1,1	0,6	4,8	4,8	8,1			
stope rasta m/m u %								
Jan-13	0,4	0,3	5,1	5,1	9,0			
Feb-13	-1,3	-1,6	-1,4	-1,4	-1,2			

Izvor: CBBiH

3.4. Devizne rezerve Centralne banke BiH

Tokom februara 2013. godine, ukupne devizne rezerve nastavljaju da se povećavaju (0,8% m/m) čime dostižu nivo od oko 6,4 milijardi KM, čime su ostvarile povećanje od 3,2% u odnosu na isti period prethodne godine. Što se tiče strukture deviznih rezervi, kao i u ranijem periodu novčana sredstva se plasiraju u vrijednosne papire, na račun smanjenja depozita kod inostranih banaka, na šta jasno ukazuju i stope rasta.

Tabela 9: Devizne rezerve (u milionima KM)

Period	Zlato	Držanje SDR	Strana valuta u trezoru CBBiH	Depoziti kod nerezidentnih banaka	Ostalo	Investicije u vrijednosne papire	Bruto devizne rezerve	Neto devizne rezerve	Monetar na pasiva	Neto slobodne rezerve
Jan-13	230,6	4,4	38,9	1.707,4	0,0	4.347,5	6.328,7	6.327,6	5.850,4	477,1
Feb-13	226,5	2,1	56,4	1.772,8	0,0	4.319,4	6.377,1	6.375,7	5.876,1	499,7
stope rasta g/g u %										
Jan-13	0,0	22,2	-14,7	-61,1	0,0	134,1	0,5	0,5	1,2	-8,0
Feb-13	43,6	75,0	-32,9	-50,3	0,0	82,2	3,2	3,2	3,8	-2,5
stope rasta m/m u %										
Jan-13	45,0	-2,2	-70,8	-26,9	0,0	12,1	-2,8	-2,8	-2,3	-8,3
Feb-13	-1,8	-52,3	45,0	3,8	0,0	-0,6	0,8	0,8	0,4	4,7

Izvor: CBBiH

3.5. Depoziti

Ukupno prikupljeni depoziti na kraju februara 2013. godine iznosili su 13,3 mlrd. KM i veći su u odnosu na isto razdoblje prošle godine za 2,9%. Pozitivan doprinos rastu ukupnih depozita dali su jedino depoziti sektora stanovništva koji su u promatranom razdoblju činili 58,8% ukupnih depozita, odnosno 7,8 mlrd. KM, a zabilježili su stopu rasta od 9,0%. Prema učešću u ukupnim depozitima zatim slijede u depoziti nefinancijskih poduzeća s 23,9%, odnosno 3,2 mlrd. KM. Depoziti ostalih sektora i depoziti opće vlade imaju najmanje učešće u ukupnim depozitima, odnosno 8,1% i 5,9% respektivno. Unazad par godina, depoziti opće vlade činili su značajan dio ukupnih depozita, preko 20%. Međutim, konstantnim negativim rastom iz godine u godinu, znatno su smanjili svoje učešće. Detaljan pregled iznosa i kretanja depozita pojedinih sektora dan je u tabeli ispod.

Tabela 10: Kretanje depozita (stanje na kraju razdoblja, u mil. KM)

Godina	Mjesec	Ukupni depoziti	Depoziti stanovništva	Depoziti nefinancijskih poduzeća ⁷	Depoziti opće vlade ⁸	Ostali ⁹
2012.	02.	12.893,2	7.156,8	3.274,6	1.380,9	1.081,0
2012.	03.	12.761,0	7.182,2	3.186,5	1.310,5	1.081,8
2012.	04.	12.832,2	7.259,7	3.243,7	1.270,0	1.059,1
2012.	05.	12.957,2	7.288,0	3.278,9	1.326,3	1.064,0
2012.	06.	12.970,0	7.331,2	3.272,6	1.319,0	1.047,3
2012.	07.	12.967,1	7.352,7	3.341,8	1.245,9	1.026,8
2012.	08.	13.155,8	7.403,6	3.350,2	1.334,4	1.067,8
2012.	09.	13.143,1	7.396,1	3.266,3	1.319,1	1.161,7
2012.	10.	13.212,6	7.486,5	3.327,5	1.299,4	1.099,3
2012.	11.	13.179,4	7.526,4	3.258,7	1.302,8	1.091,4
2012.	12.	13.326,5	7.655,2	3.278,4	1.319,3	1.073,6
2013.	01.	13.292,8	7.686,5	3.240,7	1.280,3	1.085,3
2013.	02.	13.272,8	7.799,8	3.173,7	1.219,1	1.080,2

⁷ Sektor nefinancijskih poduzeća: nefinancijska javna poduzeća i nefinancijska privatna poduzeća.

⁸ Sektor opća vlada: sve razine vlada.

⁹ Ostali sektori: sektori ostalih financijskih institucija, neprofitnih organizacija i ostali.

Godina	Mjesec	Ukupni depoziti	Depoziti stanovništva	Depoziti nefinancijskih poduzeća ¹⁰	Depoziti opće vlade ¹¹	Ostali ¹²
Stopa rasta						
2012.	02.	2,8%	9,2%	-4,3%	-16,5%	18,8%
2012.	03.	1,7%	8,6%	-6,4%	-19,3%	19,1%
2012.	04.	2,7%	9,3%	-4,4%	-18,1%	17,0%
2012.	05.	2,9%	9,5%	-4,1%	-14,2%	10,0%
2012.	06.	3,3%	9,5%	-3,5%	-13,4%	9,9%
2012.	07.	2,2%	9,0%	-3,2%	-16,2%	2,8%
2012.	08.	2,7%	9,2%	-4,9%	-11,8%	7,3%
2012.	09.	2,6%	7,5%	-3,2%	-15,3%	15,9%
2012.	10.	2,9%	9,0%	-3,0%	-16,0%	10,9%
2012.	11.	1,7%	8,7%	-4,7%	-21,4%	13,3%
2012.	12.	2,6%	8,6%	-4,3%	-11,3%	4,3%
2013.	01.	2,9%	8,6%	-3,6%	-10,9%	4,1%
2013.	02.	2,9%	9,0%	-3,1%	-11,7%	-0,1%

Izvor: Centralna banka Bosne i Hercegovine

3.6. Krediti

Ukupni krediti na kraju drugog mjeseca 2013. godine iznosili su 15,9 mlrd. KM i veći su u odnosu na isto razdoblje prošle godine za 3,4%. Najveće učešće u ukupnim kreditima imali su krediti plasirani sektoru nefinancijskih poduzeća (51,8%) i sektoru stanovništva (42,4%), potom slijede krediti plasirani sektoru opće vlade (5,2%) i ostali sektori (0,6%). Detaljan pregled iznosa i kretanja kredita pojedinih sektora dan je u tabeli ispod.

Tabela 11: Kretanje kredita Stanje na kraju razdoblja, u mil. KM

Godina	Mjesec	Ukupni krediti	Kreditni stanovništvu	Kreditni nefinancijskim poduzećima	Kreditni općoj vladi	Kreditni ostalim sektorima
2012.	02.	15.382,9	6.659,6	7.959,6	683,5	80,3
2012.	03.	15.449,9	6.688,9	7.990,9	678,6	91,6
2012.	04.	15.548,6	6.709,9	8.054,9	687,2	96,6
2012.	05.	15.674,6	6.759,8	8.114,2	689,7	111,0
2012.	06.	15.676,3	6.786,9	8.093,0	691,3	105,1
2012.	07.	15.729,2	6.802,0	8.093,0	738,5	95,8
2012.	08.	15.873,8	6.804,3	8.160,9	818,5	90,1
2012.	09.	15.913,7	6.808,9	8.178,9	833,4	92,4
2012.	10.	15.941,3	6.813,8	8.201,3	831,3	95,0
2012.	11.	15.948,6	6.800,2	8.216,7	834,3	97,4
2012.	12.	15.941,7	6.794,7	8.222,6	826,9	97,5
2013.	01.	15.863,8	6.750,6	8.189,3	834,9	89,0
2013.	02.	15.911,2	6.750,1	8.237,8	834,2	89,2

¹⁰ Sektor nefinancijskih poduzeća: nefinancijska javna poduzeća i nefinancijska privatna poduzeća.

¹¹ Sektor opća vlada: sve razine vlada.

¹² Ostali sektori: sektori ostalih finansijskih institucija, neprofitnih organizacija i ostali.

Godina	Mjesec	Ukupni krediti	Kreditni stanovništvu	Kreditni nefinancijskim poduzećima	Kreditni općoj vladi	Kreditni ostalim sektorima
Stopa rasta g/g						
2012.	02.	5,3%	6,6%	2,0%	50,8%	-17,7%
2012.	03.	4,6%	6,6%	0,8%	47,2%	-14,3%
2012.	04.	5,1%	6,2%	2,0%	46,6%	-3,8%
2012.	05.	5,0%	6,0%	1,7%	44,4%	15,4%
2012.	06.	4,5%	5,8%	1,2%	42,3%	10,4%
2012.	07.	4,3%	5,0%	0,9%	47,9%	6,1%
2012.	08.	5,2%	5,2%	1,8%	60,7%	3,4%
2012.	09.	5,2%	5,1%	1,6%	63,1%	6,8%
2012.	10.	5,0%	4,7%	1,8%	57,6%	8,9%
2012.	11.	4,6%	4,6%	1,0%	55,7%	14,1%
2012.	12.	4,1%	1,3%	4,3%	31,8%	4,6%
2013.	01.	3,3%	0,9%	3,6%	23,2%	4,3%
2013.	02.	3,4%	1,4%	3,5%	22,0%	11,1%

Izvor: Centralna banka Bosne i Hercegovine

3.7. Berze u BiH

Na Sarajevskoj berzi (SASE) u mjesecu februaru 2013. godine ostvaren je promet u iznosu od 7,36 miliona KM što čini 30,3 % od ukupnog ostvarenog prometa na BiH berzama. Promet na SASE u mjesecu februaru bilježi pad od 73,13 % odnosu na promet u istom mjesecu u 2012. godini.

Na Banjalučkoj berzi (BLSE) u mjesecu februaru 2013. godine ostvaren je promet u iznosu od 16,9 miliona KM što čini 69,7 % od ukupnog prometa ostvarenog na BiH berzama. Promet na BLSE bilježi rast od 180,62 %. Ukupan promet u mjesecu januaru na obje berze (Sarajevskoj i Banjalučkoj) u iznosu od 24,3 miliona KM bilježi pad od 27,33 % poredeći sa vrijednostima u istom periodu 2012. godine.

Tabela 12: Promet (u KM)

Period	SASE	BLSE	UKUPNO
Feb-11	6.970.085	9.565.082	16.535.167
Feb-12	27.397.962	6.035.546	33.433.508
Feb-13	7.360.747	16.936.851	24.297.598

U isto vrijeme kapitalizacija u mjesecu februaru 2011, 2012 i 2013. godine je iznosila:

Tabela 13: Kapitalizacija (u KM)

Period	SASE	BLSE	UKUPNO
Feb-11	7.782.849.564,23	3.908.092.990,20	11.690.942.554,43
Feb-12	4.374.219.868,01	3.714.068.261,05	8.088.288.129,06
Feb-13	4.667.265.171,73	4.077.889.460,02	8.745.154.631,75

Poredeći vrijednosti kapitalizacije na Sarajevskoj berzi (SASE) u mjesecu februaru 2013. godine sa vrijednostima u mjesecu februaru 2012. godine zabilježen je rast od 6,7 %, dok kapitalizacija na

Banjalučkoj berzi (BLSE) u mjesecu februaru 2013. godine bilježi rast od 9,8 % u poređenju sa vrijednosti u mjesecu februaru 2012. godine. Vrijednost ukupne kapitalizacije na obje berze (SASE i BLSE) u februaru 2013. godine bilježi rast od 8,12 % u odnosu na vrijednosti u mjesecu februaru 2012. godine.

4. Vanjski sektor

U periodu januar - februar 2013. godine izvoz je iznosio 1 milijardu i 253 miliona KM, što je za 15,7% više nego u istom periodu 2012. godine, dok je uvoz iznosio 2 milijarde 148 miliona KM, što je za 10,8% više nego u istom periodu prethodne godine. Pokrivenost uvoza izvozom je iznosila 58,3%. Izvoz u zemlje CEFTA je iznosio 330 miliona KM, što je za 15% više nego u istom periodu 2012. godine, dok je uvoz iznosio 443 miliona KM, što je za 2,8% manje nego u istom periodu prethodne godine. Izvoz u zemlje EU je iznosio 769 miliona KM, što je za 10,7% više nego u istom periodu 2012. godine, dok je uvoz iznosio 1 milijardu 11 miliona KM, što je za 9,3% više nego u istom periodu prethodne godine. Rezultat izvoza i uvoza BiH je trgovinski deficit koji je ove godine dostigao vrijednost od 895 miliona KM i u poređenju sa istim periodom prošle godine veći je za 4,5%.

Posmatrajući strukturu robne razmjene po najznačajnijim uvoznim i izvoznim stavkama za prva dva mjeseca 2013. godine vidljivo je da su mineralne tvari gdje su najznačajnija nafta i naftni derivati; mašine i aparati; bazni metali; te prehrana dominirali na strani uvoza, dok su najznačajnije izvozne pozicije bazni metali gdje kao i kod uvoza dominiraju aluminij, željezo i čelik, te njihovi proizvodi, rezervni dijelovi za autoindustriju; razni gotovi proizvodi kao što su namještaj, zatim mineralne tvari gdje spada nafta i električna energija; odjeća i obuća.

Bosna i Hercegovina je u januaru i februaru 2013. godine uvezla 359 miliona KM nafte i naftnih derivata, u odnosu na isti period prošle godine, ostvaren je rast uvoza ove vrste proizvoda za 27,4%.

Drugo mjesto po vrijednosti uvoza zauzimaju mašine, aparati i mehanički uređaji čiji je uvoz u prva dva mjeseca 2013. godine iznosio 262 miliona KM. U odnosu na isti period prošle godine, uvoz mašina je porastao za 15,3%. Na strani izvoza, vrijednost izvezenih proizvoda u kategoriji mašine iznosi 128 miliona KM i u odnosu na prošlu godinu ostvaren je rast od 8,8%.

Značajan uvoz ostvaren je u kategoriji hemijskih proizvoda u iznosu od 208 miliona KM i u poređenju sa prva dva mjeseca 2012. godine, primjetan je blagi rast uvoza ove kategorije proizvoda od oko 1,6%. Na drugoj strani, izvoz hemijskih proizvoda iznosio je 80 miliona KM i imao je godišnji rast od 12%.

BiH je u prva dva mjeseca 2013. godine uvezla 196 miliona KM prehrambenih proizvoda koji su bilježili godišnji rast uvoza od 15,6%.

Sljedeća značajna uvozna stavka su bazni metali kojih je BiH uvezla u iznosu od 180 miliona KM. Od baznih metala najviše su se uvozili željezo i čelik, njihovi proizvodi, te aluminij i proizvodi od aluminija. U odnosu na prošlu godinu ostvaren je rast uvoza baznih metala za 4,9%. Na strani izvoza baznih metala situacija se takođe poboljšala i u prva dva mjeseca 2013. godine izvezeno je 290 miliona KM ove kategorije proizvoda, u odnosu na isti period 2012. godine primjetan je rast od 3%.

Kategorija raznih proizvoda gdje je uključen namještaj u januaru i februaru 2013. godine ostvarila je izvoz od 144 miliona KM. U odnosu na isti period prošle godine izvoz namještaja je doživio rast od 11,2% Međutim, bitno je spomenuti da industrija proizvodnje namještaja u BiH je u usponu i za očekivati je veći izvoz u narednom periodu, a samim time i korigovanje stope rasta izvoza s obzirom da namještaj ostvaruje značajan udio ukupnog izvoza BiH.

Tabela 14: Vanjsko trgovinski promet

u 000 KM	Januar – Februar 2012.	Januar - Februar 2013.	Promjena 2013/2012.
IZVOZ	1.082.769	1.253.033	15,7%
UVOZ	1.939.015	2.147.980	10,8%
TRGOVINSKI DEFICIT	-856.246	-894.947	4,5%

5. Strane direktne investicije

Prema revidiranim podacima Ministarstva vanjske trgovine i ekonomskih odnosa BiH strana ulaganja u 2012. godini su iznosila 430,39 miliona KM što predstavlja povećanje za oko 0,5% u odnosu na ulaganja u istom periodu 2011. godine kada su SDI iznosila oko 428,4 miliona KM.

Tabela 15: Ulaganja po kvartalima u 2010., 2011. i 2012. god.

U milionima KM	K1	K2	K3	K4
2010	470,4	149,5	32,1	29,6
2011	93,1	99,5	107,8	128
2012	-4,98	309,27	78,96	47,14

Prema podacima Ministarstva vanjske trgovine i ekonomskih odnosa najveća ulaganja u 2012. godini su bila od strane „Birač Europe“ DD Litvanija, kupovina „Alumina“, Karakaj 253,1 milion KM, te kupovina „Mehanika“, Zvornik 63,51 milion KM od strane iste kompanije, zatim ulaganje u „Droga Kolinska“ 13,44 miliona KM te NLB Ljubljana 10,76 miliona KM. Najveća povlačenja kapitala su bila od strane „Hypo Alpe Adria bank“ -45,48 miliona KM te „Tito“ Odžak u iznosu od -3,98 miliona KM. Ulaganja u prva dva mjeseca 2013. godine su iznosila 15,1 miliona KM, a od toga iznosa u januaru 2013. godine ulaganje je iznosilo 12,5 miliona KM. Najveće ulaganje u ukupnom iznosu 10,1 miliona KM je bilo u „Globtour“, d.o.o. Međugorje i 6,1 miliona KM u „Al Jazeera“ Sarajevo. Od događaja koji će imati utjecaja na strane direktne investicije u prvom polugodištu treba spomenuti da je 28. marta 2012. godine Agencija „Standard & Poor's“, potvrdila Bosni i Hercegovini suvereni kreditni rejting „B“ i izmijenila izgled sa „na posmatranju - negativno“ na stabilne izgled. Kao rezultat svojih analiza 10. jula 2012. agencija za ocjenu kreditnog rejtinga „Moody's Investors Service“ potvrdila je Bosni i Hercegovini suvereni kreditni rejting „B3“ i izmijenila izgled „sa promatranja - negativno na stabilne izgled“.

Nakon rasprave na sjednici, Vijeće ministara je usvojilo sljedeće

ZAKLJUČKE

1. Iz svega navedenog u Informaciji, a posebno na osnovu raspoloživih podataka, može se zaključiti da su kretanja u bh. ekonomiji u prva dva mjeseca 2013. godine bila znatno pozitivnija u odnosu na prethodnu godinu.
2. Vijeće ministara će poduzeti sve potrebne mjere i aktivnosti iz svoje nadležnosti na promociji i privlačenju investicija, podršci izvozu i zapošljavanju radi poboljšanja stanja u gospodarstvu u BiH.
3. Vijeće ministara je primilo Informaciju k znanju.

